



Arubaanse Courant

Aña 26

DIAHUEBS 9 JULI 1964

No. 5079.

Tambe Corsow ta hanja su "La Esperanza" awor

(Di nos corr. na Corsow)

WILLEMSTAD, - 9 Juli - E federacion di trahadornan petrolero di Corsow, FWFC a participa cu pronto nan lo habri un supermercado en combinacion cu La Esperanza di Aruba pa nan miembronan. E supermercado aki lo carga nomber di "La Esperanza Curacao" y temporalmente lo worde estableci den e baraknan na Suffisant.

E intencion di empresalo tapa baha prijsnan di comestibles na Corsow mescos cu La Esperanza a logra esaki na Aruba. E caballeronan E. y F. Wever di La Esperanza Aruba ta calcula cu e prijsnan por baha ainda di 7 pa 10 por ciento bao di e prijs mas abao actual. E accionnan (di fl. 1.00,- cada uno) lo ser benede na prome lugarnae miembronan di P.W.F.C. y despues cerca e miembronan di otro unionnan y particularnan. P.W.F.C. y La Esperanza ambos lo participa pa 50%. E capital di e empresa actualmente ta 500.000 florin y e in-

verticion lo ta 1 millon florin. " Esperanza Curacao lo ta habri pa henter e poblacion. Kizas - prome cu November caba e supermercado nobo aki lo habri pa su portanan pa publico. E empresa lo cuminsa cu 45 empleado pero probablemente lo mester extende esakinan den futuro.

TOPA CU BO

AMIGONAN DEN
CHI - KOE - CHA
Coffee-shop

Cuatro anochi cu shownan local

ORANJESTAD, 9 juli - For di dia 13 te 16 venidero lo worde presenta den Klompen Klub di Aruba Caribbean Hotel-Casino shownan cu talentonan local. E promer anochi cantante Neri, di Bali Bat lo presenta como solista den Klompen Klub. E tatrece un programa cu cancionan internacional. Dia 14 Trio Los Aventureros lo ta ariba podium, mientras cu dia 15 e soprana Arubana Rhoda Figerio lo actua. "E combo "The Hapcats" lo du- na presentacion dia 16, Rhoda Frigerio kende ya basta tempo ta haciendo un preparacion extenso pa e anochi aki den Klub lo presenta un programa cu cancionan clasica y popular. E lo worde acompaña y anochi aki pa e orkesta di hotel bao di George Fasola, kende tambe lo percura pa e musica dia 13 y 14. Dia 17 e conocido Tito Guizar lo haci su promer presentacion pa 1964 den Klompen Klub.

Entregador di carta tabata sinti cansa

SOUTHAMPTON, - 9 Juli. Despues cu durante trinta anja el a camna su ruta diario perfecto e brievenbesteller Lorin Shipper di e pueblo Water Mill, na e ciudad mericano Southampton a dicidi di traha un poco calmo. El a cuminsa entrega solamente cartanan cu tabata muestra importante, y esunan menos importante entre cual hopi drukwerk, el a deposita hopi anja largu den un casita den cura. Cincu anja despues cu e ta cu pensioen Shipper su boca a slip. Awor servicio di correo na Merca ta trahando duru pa entrega dos mil kilo di post cu no a worde entrega, na e personanan pa kende nan ta destina Shipper no ta haya cu el a comete un error ya cu nunca un hende di su barrio a keha di un carta cu e no a ricibi.



La Reina ultimamente a bishita e Mytylschool na Utrecht. Den e hal di e school dos mucha invalido a toca pa La Reina riba nan blok-fuit.

J. van Zijl secretario di I.C.V. na Aruba

ORANJESTAD, 9 Juli. - Awe banda di diez un'or y mei ta yega Aruba senor J. van Zijl, secretario di Internationale Vakbond, kende lo ta acompaña pa senor R. Tschumie, representante di CLASC. Aki senor van Zijl lo tin deliberacion cu e empleadonan di KLM, mientras cu e lo topa tambe cu representantenan di IOWUA y mientras cu probablemente lo e asisti tambe na e curso pa sindicato cual lo tuma lugar en Club Bonaireano. Manera concoci senor van Zijl na Corsow a delibera tocante di e representacion di e empleadonan di KLM cu lo bai pasa pa A. L.M.

Presupuesto di Y.M.C.A. mas cu 40 florin

ORANJESTAD, - 9 Juli. E accion annual di coleccion di Y.M.C.A. a bolbe cuminsa, segun a worde anuncia pa senor Robert P. Steele, presidente di YMCA e budget di e club pa e anja venidero ta cuarenta mil cien y binti florin, di cual mas cubinti mil ta necesario. Pa mantene e hopi programanan. Cuatro mil alavez lo worde reserva pa extension y proyectonan nobo, mientras pa cubri e deficit di anja pasa ta necesario cinco mil ocho cien y -

Rotarians y Lions di Pto. Rico pa Aruba

PALM BEACH, 9 juli. - For di dia 16 te 19 venidero dos grupo grandi di vacacionistanan di Puerto Rico lo bishita Aruba. Un grupo di Rotary y e otro un grupo di Lions di Puerto Rico. En total lo bin mas o menos un sesenta bishitante.

Ley pa combati pobreza na Merca

WASHINGTON, 9 Juli. - E comision mericana di senadopasuntun di trabao ayera cu 13 contra dos voto a acepta e proposicion di ley entrega pa president Johnson pa combati probeza na Merca. Senador Barry Goldwater di Arizona, cu ta haciendo esfuer- so pa bira candidato republicano pa eleccionnan presidencial, tabata un di e dosnan cu a vota contra. E proyectodiley ta intentapa duna entre otro mas di 962 millon dollar pa estadonan, cu economi ta sumamente debil.

cincuenta y dos mil florin. Segun a worde muestra claramente trinta y seis mil lo tin di worde hanja for di accionan di coleccion y donacion. Den e folder di YMCA cual ultimamente a worde poni den circulacion ta worde muestra claramente cu YMCA ta un organizacion autonomo na Aruba. Tambe ta worde muestra cu base di YMCA ta cristiano y cu e organizacion ta anima su miembronan tanto posibel pa ta bon miembronan di e iglesia cu nan ta refera. E organizacion mes ta bisa di no ta mara na ningun religion especifico.

Den Pastoor Hendrikstraat ta estableci e oficina major di organizacion den Youth Activities Building di Lago. Fuera cu YMCA ta haci uso di e edificio aki como nan oficina major, alavez na anja pasa el a worde fia 103 biaha na binti cuater otro grupo. Segun ultimamente a worde anuncia YMCA e anja entrante kler extende su actividad pafor di San Nicolas tambe. Asina por ehemplo e Centro Juvenil Seroe Blanco cual dos anja pasa a worde estableci lo bira un parti di YMCA.

BISANOS

E motibo pakiko mi ta haya "Arubaanse Courant" un diario asina bon, pasobra e ta completamente "Arubiano".

Reymundo Maduro, Macuarima 35.

FATUM

Pa tur bo aseguran
Tel. 1845.

Convencion di Esso den Hotel

PALM BEACH, 9 juli. - Dia cincu ultimo a cuminsa den Aruba Caribbean Hotel un convencion di fabricantenan di industria di fertilizer. E Esso fertilizer convention aki lo durate mas o menos di juli. E cantidad di participantenan cu a bin for di tur canton na Aruba ta worde calcula pa cincuenta.



FRESCURA DI MENTOL

SABOR RICO DI TABACO

FILTER MODERNO

HULANDES COMO IDIOMA DI COMUNICACION NA ANTILLAS TA STROBA ENSEYANZA ??

(Di un colaborador)

Bou di e titulo "Idioma y politica" nos a hanja un articulo den "Wijsgerig Perspectief op Maatschappij en Wetenschap" di dr. M. van Haegendoren. E. Vlaming, den esaki ta duna un declaracion, tocante di idioma, cu cada persona, cu ta papia tocante di nos enseyanza na Antillas, mester a lesa. Hopi di su notanan ta di suma importancia pa Antillas.

Den su analisis di kiko e idioma ta y e servicio di esaki como medio di comunicacion, e autor ta bisa, cu semper "perdida di tempo" entre loke e orador kier bisa y loke esun cu ta scucha ta comprende. Mas grandi e diferencia den desaroyo ta mas grandi e perdida. Especialmente ora cu e diferencia di idioma di orador y esun cu ta scucha ta mucho mas grandi.

Esaki especialmente ora cu orador y esun cu ta scucha ta haci uso di diferente idioma.

E declaracion aki no ta un sinjal masha claro pa nos enseyanza?

E muchanan di aki, fuera di dificultadnan cu loke nan tin di sinja, tin di haci esaki alavez den un idioma extranhero. Hopi blaha un dificultad ta mucho mas claro pa nos ora cu nos pensa y papia tocante di dje. Nos alumnonan tin di pensa y papia den un idioma, cu nan no ta of practicamente no ta domina? Dr. Haegendoren ta bisa: "Pobreza di idioma y mas liher ainda perdida di idioma, tin como consecuencia, cu e idioma di otro ta worde papia yen di descuido y na un manera impersonal y alavez sin pensa bon.

Cu esaki nos ta yega for di terreno psicologico den esun social: e pobreza impersonal di idioma, tin hopi oportunidad di haci un intelectual menor, un persona cu ta haci loke otro ta haci y na un manera insoportable; probablemente un persona cu ta floho mentalmente y un persona cu kier mantene asintonan manera cu nan ta.

E ta bisa mas aleu e.o. "E expresion di idioma ta relaciona estrechamente cu e manera di biba di e grupo y e idioma ta e representante di un literatura y un mundo di sintimento, di cual e influencia no por worde teni afor sin castigo. E opinion colectivo di un pueblo ta mara na expresionnan y estilo". Peser e autor ta bisa cu e robamento di un pue-

blo su idioma ta un atake ariba e bienestar mental di e pueblo.

"Perdida di idioma, ta perdida di substancia mental", segun e científico cu ta sigui bisa: "Ora cu henter un grupo di pueblo worde obliga pa usa un idioma strango, ta tuma lugar un debilisacion mental y un malformacion di mente y di sintimento. E hendenan ta worde domina door di e pobreza di e idioma cu no ta adecuado, na lugar di nan domina nan propio idioma".

Na Antillas nos ta keha masha ariba resultado di enseyanza. Na Belgica e muchanan di Vlamingen ta hanja les den nan mes idioma, e muchanan di Waal den nan idioma. E muchanan di Brusel cu ta biba ariba e centro di e dos partinan aki ta hanja les den un idioma cu no ta di nan y kiko ta e resultado?

Na Belgica, Brusel en comparacion cu e otro ciudadnan grandi di Vlaanderen y Wallonia, ta e ciudad cu e percentahe di mas halto (y sumamento halto) di muchanan di school atrasa. E autor ta bisa: "Na Brusel ta sosode, cu muchanan y majornan no ta comprende otro mucho bon mas. E contacto entre e generacionnan ta bai perdi. "E problema cu cual Antillas ta lucha, na hopi otro lugarnan di mundo ta un problema grandi y diferente comisionnan di UNESCO a muestra cu e progreso di idioma nan criollo ta necesario pa duna tal paisnan di desaroyo, oportunidad pa espiritualmente ta ariba nan mes.

Hopi di e idioma nan aki mescos cu na Antillas naturalmente ta inadecuado ainda pa un comunicacion intelectual na nivel halto. Pero ta e trabao di gobierno, segun dr. Haegendoren, pa rafina perfecciona y enrikeze e idioma nan aki pa dentro di cortotempo haci nan crece na propagadornan valioso di cultura universal.

E articulo pues ta yama "Idioma y Politica". E ultimo aki tin hopi faceta y e politica Belgico, Africano of Arabico tin otro exi-

hencianan na e gobiernonan respectivo cu e politica Antillano na su gobierno. E dificultadnan pues tur caminda ta otro. E poco hendenan cu ta papia papiamento, e presencia di dos idioma mayor (Ingles y Papiamento) den un territorio asina chikito, cualavez ta asina leeuw for di otro, ta dificultadnan, cu otro paisnan no conoce, pero esun cu lesa e articulo menciona aki riba bon, lo yega na e conclusion final, cu nos no por tuma e mencionado como algo di menos importancia y seguramento no tene mucho speranza cu e resultado di nos enseyanza lo cambia y subi di golpi y rapido na un nivel haltodoor di algun cambionan chikito den nos enseyanza

Cartanan no entrega na San Nicolas

A. David Armogen - Granville Arindell - Jenny Arstby - .
B. Juanita Bruce - Sabina Beamont G.M. Brulnes - Fam Bryson - Leah Bristol - Ulvica Bryson - Claire Bailey - McDonald Burrows - Alphonso Brooks - Ernest Bryson - E.P. Bennett - .
C. Myrtle Cambell - Winston Creighton - R.M. Connoer - .
D. Leonard Dos Santos - Julia Donati - Eunice Deslauriers - Irene De Cuba - Ruben Daal - Lona De Freitas - Harris Duncan - .
E. Margie Everts - Felipe D e Escalona - Clementine Edwards - James Ellis - .
F. Odullo Faneyte - Joseph Fraser - .
G. W.D. Glimbs - Elvin Gumbs - Vivian Glasford - Earl H.W. Gawnay (P) - Amanda Glanson - .
H. A. Hill - Clara Heyer - Muriel Hanson - Clemmy Hasell - Hilton Hill - Alphonso Huggins - .
J. Veronica John - Elias John Beryl James - .
K. Charles Kriythoff - Nicolaas Kock - E Krinswyk - .
L. Segundo Loepstop (R) - Clarinda York Lee - M. Louisy - .
M. Stanley Monish - Altigracia Meulens - Luisa Marques - Martino Berg - Veronica Mark - E - loise May - .
N. Dalberto Neblett - Raymond Nicholson - Alfonso Nesbett (R) O. Operateur Orlando PJ 3 AW, P. Dominico Penyn - Paul Phillips - Chino Pom (R) Mabel Pantophlet - Olive Pierre - E. Pelgrim - M. Paul - Eugene Pierre - .
R. Augustine Richardson - Wilfred Rudolf - A.Q. Rodrigues - Therese Richardson - .



ARUBAANSE COURANT

**Ta busca
pa drenta servicio pronto**

HEFE PA DEPARTAMENTO DI ANUNCIO

Personanan casa, riba 25 anja, cu un bon educacion general, capacidad pa traha bon anunconan y comercial tin preferencia.

Un bon salario ta worde ofreci.

Dirigi solicitacion por escrito cu indicacion personal completo, trabounan anterior y referencianan, bou di letter "CA" na oficina di e diario aki, Nassastraat 85.

S. A.H. Sluer (R) - H.R. Simon - Augusta Steption - J. Simon - Pablo Solognier - .
T. Margret Thomas - Angelliana L. Thyssen - Julian Thielman - .
V. J.V.D. Putten V.D. Bohard - V.

J.V.D. Veer - Dhr en Mevr. Vriet W. Rosalinda Walter - Lambert Wever - Jeanette Williams - Alvida Williams - Chichi Wever - Norma Wild.



Un homber cu a horta un banco ta camna bai trankil cu un suma di 1500 dollar. Un camera escondi a saca e serie

di portretnan aki. Te ainda e homber no a ser indentifica y polis ta sigui busca

EHERCITO DI NACIONNAN UNI A OCUPA ZONA LIBER NA CHIPRE

Nicosia, Chipre, -- UPI -- Tropasnan di Nacionnan Uni na Chipre, awe a tuma control den e zona neutral qu ta parti e ciudad Nicosia. Gato Plazo ex-presidente di Ecuador y e funcionario mas haltu di Nacionnan Uni ayera nochi a anuncia qu e secretario general di Nacionnan Uni, UThant a aproba un plan qu ta duna e forsa di paz di e organisacion mundial derecho pa registra y desarma e chipriotanan qu ta den e "zona liber."

E zona ta extende su mes 100 meter na cada banda di e "linea berde" qu ta parti e comunidannan chipriota griego y turco den e ciudad capital aki. E esfuerzonan qu Nacionnan Uni a hasi den pasado pa impedi e lucha di e comunidannan y e concentracion di armanan a lo largo di e linea, tabata inutil. Pero e pre-

sidente chipriota-griego, arzobispo Makarios, a declara ayera nochi qu e turpanan griego io ser retira 100 meter for di e linea "inmediatamente", aunke e chipriotanan-turco ta nenga na hasi esaki.

Pero e la predici qu e turconan io sigi e chempel di e griegonnan.

Robo di joyas na Paris

PARIS, - 9 Juli. Tres homber disfrasa a roba joyas for di den show case di e hotel Ritz na Paris. E balor di e joyasnan no ta conoci ainda. E tres hombernan a bini den dos auto. Un di e autonan nan a pone dwars riba caminda, unda tin trafico di un direccion. Despues nan a drenta disfrasa den hal di e hotel. Nan a menasa tantu personal como huesped nan di e hotel cu pistol

MERECIDO TRIUNFO DI PTO. RICO DEN BASKETBALL

(Di Nos Redactor Deportivo)

ORANJESTAD, 9 juli.- Completamente yen e cancha di Aruba Jrs tabata musta diamars anochi na ocasion di e dos promer waganan di basketball den e Decimo Olimpiada ASU. E atraccion maximo di e anochi tabata indudablemente e partido masculino entre Pto. Rico y Aruba, ya cu esaki ta promer biaha cu un equipo di basketball for di e isla ey ta bin hunga aki.

A worde manda pa representa e huespednan e equipo di Empresas Diaz, cu ta campeoni di Area Metropolitana, es decir di e capital San Juan, Santurce y vecindario, y cu anja pasa tabata subcampeon nacional di Pto. Rico. E seleccion arubano tabata forma cu hungadornan di e tres teamnan di Oranjestad, Aruba Jrs, Caribe y RCA.

Despues cu miembro di directiva di Aruba Basketball Bond, Luis Aponte, a introduci e presidente di ASU Tico Kuiperi, esaki a dirigi palabranan di bonbini na e portorikenjonan y a desea ambos equipo hopi exito. Luego Sra. Yolanda Madonado candidata di Aruba Basketball Bond pa Reina di Deporte, entre e dos centernan a manda e balahalto pa e partido por cuminsa.

Rapdamente e portorikenjonan a acumula un ventaha di 10-0 promer cu Aruba a logra un punto.

Demonstrando bon floor-play, bon control di bala y shooting mucho mas sigur, Pto. Rico for di tempran caba a lucí superior. Especialmente e chikito di e team, Luis Nieves di camiseta number ocho, tabata esun cu ta forma tur e hugadanan na atake. Wegadi e team ta basa rond di e hungador aki, kende henter anochi tabata sabi di traha un buraco com grand cu e tabata desea den e defensa di Aruba, pa luego haci sorprendente pasonan rapido pa su companjeronan bao di basket. Cu ocho punto di M. Nadal, 4 di e largo center Manuel Monge y 6 di J. Hernandez Pto. Rico a tuma un ventaha di 18 pa 6 na final di e mitad di wega. Pa Aruba unicamente Pano Tromp tabata hanja e basket cu exito. Tur e 6 puntonan arubano di e promer mitad tabata anotacion di Pano Tromp.

E tironan di e arubanonan tabata cortico continuamente y erratico.

Den e segundo tempo e portorikenjonan ta bolbe cuminsa cu rapido avancenany ta sigi acumula punto tras di punto. Gran parti di e segundo tempo ta pasa promer cu e arubanonan cuminsa hanja e basket. F. Bardouille di Aruba ta percura pa total di 7 punto y Albert Ponson ta logra seis, mientras cu Pano Tromp ta

anota dos mas.

Di e huespednan ta J. Hernandez ta sigi hanja e basket cu mas frecuencia. E ta bolbe anota seis punto pa resulta e topscorer di e anochi cu total di 12 punto.

Pa Aruba Pano Tromp tabata e mihor anotador cu 8 punto.

E partido a caba cu score di 47 pa 23 y tabata indudablemente bon mereci ya cu nan a hunga un basketball den tur sentido superior na e muchanan local.

Tanto nan atakenan tabata demuestra bon floor-play, hugadanan cu tino y sorprendente, como nan defensa tabata demonstra solido y dificilmente penetrable.

E largo center M. Monge tabata move rapidamente bao di basket y tabata un dolor di cabe constante pa e defensa arubano. E forma den cual e tabata piki e rebound nan taba a masha bon.

Aruba su shooting tabata sumamente erratico y wega mucho poco movi. Den demaslado ocasion nan a busca e basket cu shotnan largo, mientras cu nan no tabata tin un homber pa haci e followup bao di basket.

VALIANT 19 CARIBE 4

E partido preliminar tabata di

Proposicion ruso den estudio

NEW YORK? - 9 Juli. E lider di e delegacion Ruso serca Nacionnan Uni, Dr. Fedorenko ayera a duna Merca y Inglaterra particularidadnan tocante un memorandum ruso riba responsabilidad di Nacionnan Uni pa mantene paz.

Fedorenko tabatin un entrevista cu e lider di e delegacion mericano Adlai Stevenson, y e jefe di e delegacion Ingles, Sir Patrick Dean. Despues el a combersa cu secretario General Oe Thant. Ni di parti di Merca ni di parti di Inglaterra tabatin comentario.

E president di e comision mericano di senado pa relacionnan cu exterior, Senador Fulbright, a bisa ayera cu Merca lo considera un proposicion Ruso pa un exercito permanente di Nacionnan Uni.

E favorito di tur cocinero experto naturalmente ta Catsup del Monte



E UNICO MARCA DI CATSUP CU TA WORDU CUIDADO-SAMENTE PREPARA Y ELABORA CU TOMATINAN FRESCO..... SABROSO.... YEN DI VITAMINA..... mezcla cu vinager di anasa.

Duna bo cuminda e sabor delicioso, diferente y unico cu..

Catsup del Monte

agente pa Aruba

POSNER'S AGENCIES

Wilhelminastraat 68 - tel. 1490

- DECIMO A.S.U. OLYMPIADA -

Awe, diahuebs, 9 juli
07.00 n.m. ATHLETIEK

y
PUSTAMENTO DI BICICLETA
na LAGO SPORT PARK
entrada fl. 0,50

caracter femenino entre e equipo di Valiant y Caribe, cual equiponnan actualmente ta ocupando e promer y segundo lugar di e campeonato 1964.

Despues cu den henter e promer mitad cada un di e teamnan aki a anota un basket pa e wega ta empata na half 2-2, den e segundo mitad di wega Valiant tabata tin mucho mas exito cunanan rivalnan. Mientras cu Caribe tabolbe anota solamente un basket, Valiant ta acumula total di 17 puntos mas. E partido a finaliza 19 pa 4.

E dos basketnan di Caribe a worde anota door di Yolanda Ponson y Verna Beaujon, uno cada uno; di Valiant, Helouise Lioe A Tjam tabata e mihor anotando un total di 9 punto.

Ta un placer di por avisa nos clientela, cu awor nos ta tuma trabao 'trobe den nos

DEPARTAMENTO DI COSTURA

* Prijs pa tur bolsil'o, personal competente y servicio rapido! Bishita nos pa bo bistir di maña, bistir pa cocktailparty, bistir pa madrina di bruid, pa bruidsmisje, madrina di bautismo, camisa pa mucha homber etc. etc.

WITHFIELD'S



E tennista di Brasil, Maria Bueno aki ta hisa e trofeo cu el a gana den e weganen singel pa damas derrotando e campeona Margarethe Smith na Wimbledon.

Segun ta worde informa di parti di e ministerio mericano di exterior, Merca lo no rechaza e proposicion Ruso categoricamente. E deseo Ruso, pa somete di Nacionnan Uni na e consejo de seguridad, di ningun manera lo por worde acepta, pasobra gobiernoruso e ora ey semper por uti-

lisa su derecho di voto, asina a worde bisa. E prome reaccionnan di occidente por cierto no taba a mucho entusiasmo. Nan ta mira den e proposicion un esfuerzo pa mengua e papel di e secretario general serca e organisacion mundial na direccion di e opera-

cionnan di paz y pa yega na un direccion triple cu lo consisti di respectivamente representantenan di occidente, e bloque sovietico y e palsnan no compromete. E ultimo aki ta inacceptable pa occidente.

UNIDADNAN NAVAL DI GUERRA RUSO TA DEN MEDITERRANEO

Washington, -- UPI-- Unsecreto oficial, awe parse ta rondona e vigilancia, qu unidatnan di marina norteamericano ta eherclendo for di dos siman pasa, riba un flota di barcunan ruso den Mar Mediterraneo, entre cual tin dos submarino.

Circunon bon na altura no tin e menor idea ta kiko e forza naval sovietica ta hasi den Mar Mediterraneo, aunke nan ta describlele como esun mas poderoso qu jamas a yega drenta e laman aki. Nan tin tur derecho di munda pa ta eynan, asina e informantenan ta bisa. E informantenan ta agregá: "Mesun cos qu e sexto flota di basta tempu caba ta nabegando den awanan aki.

E forza naval ruso ta consisti di dos submarino, un destructor y varios barcu auxiliar. E unidatnan ta realisando manobranan submarino di rutina.

Nan ta afirma qu e esfuersonan di e barcunan sovietico pa evita unidatnan anti-submarino norteamericano te ne momentonan aki

Victimanan di temblor a subi

COYUCA DE CATALAN, 9 juli.- E temblor cu a azota Mexico den anochi di diadomingo pa dialuna segun ultimo cifranan oficial a causa bida di 31 persona.

E pueblo cu a sufrí mas tauntu ta Coyuca de Catalan, un comunidad agriculatural chiqui na Sur Oeste di Ciudad Mexico, unda diescuater persona a muri y 87 a worde herida.

"Kende ta bira reina di deporte 1964 di Aruba?"

E pregunta den e dianan aki ta "Kende lo bira reina di deporte Aruba pa 1964" Esaki lo worde dicidi pa un hurado cu lo bai escohe entre e diezcuater candidatanan e belleza cu lo representa deporte di Aruba den e anja venidero. Pero lectornan di Arubaanse Courant tin e oportunidad pa tuma parti na e concurso "Kende lo bira reina di deporte 1964", poniendo nan voto ariba nan candidata preferi cu e oportunidad di gana premionan.

Na e momento aki e score di e eleccion di Arubaanse Courant ta lo siguiente:

Olga de Kort	59	Roosje van der Linden	56
Nora Angela	44	Filomena Dijkoff	30
Yolanda Maldonado	26	Myrna Schwengle	19
Carmen Wernet	10	Carmen Maria Tromp	8
Millicent Maxwell	7	Edith Martinus	7
Lioncita Albertsz	6	Ivonne Robles de M.	4
Calrice Dabreu	2		

tabata inutil. E unidatnan ta ser tene bao di un vigilancia constante mientras qu nan ta ser sigi y fotografia ora qu nan subi riba superfle. Pa cierto motibunan desconoci, Departamento di Defensa ta nenga na admiti qu ta existi tal vigilancia di e unidatnan sovietico. E sub-secretario di Defensa, Arthur Sylvester, a declara qu ta masha obvio pa ne hasi ningun comentario riba e movimientunan di e flotan.

Nan ta kere qu e barcunan ruso a drenta den Mediterraneo door di Mar Negro, a traves di e estrecho di Dardanelos y despues for di riba Atlantico door di e estrecho di Gibraltar.

Atletismo contra Colombia pa awe

(Di Nos Redactor Deportivo)

ORANJESTAD, 9 juli.- Den Lago Sport Park lo tin awe nochí en cuentronan di atletismo entre atletanan for di Colombia y di Aruba. A yega nos isla pa competi tres corredor colombiano, tur tres precedente for di Barranquilla, kendenan a haci bon impresion cerca e insidernan cu a presencia nan practicanan ariba Lago Sport Park ultimo dos dianan.

E colombianonan ta Juvenil Nunez Cabrera di 18 anja di edad, kende ta specializa den distancianan cortico di 100 y 200 meter. Su mihor tempo haci den e distancianan aki ta respectivamente 11.1 seconde y 24 seconde. E ta un novato y ta worde considera un di e mihor prospectonan di atletismo colombiano. Ultimamente el a sabi di gana e com-

Comfort

Y

**TRANKILIDAD
TA LOKE AIRCO
TA DUNABO!**

petencia entre novatos y intercolegiales. Hernando Lara di 32 anja di edad ta esun di mas bieu di e trio visitante. E ta corredor di distancianan largo, esta 5000 y 10,000 meter. El a clasifica den 5 campeonato internacional y den cuatro ocasion a conquista titulo di campeon interdepartamental.

Hector Fernandez di 25 anja ta completa e trio. Su especialidad ta distancia di 3000 meter cu obstaculo y 2500. Den dos ocasion el a clasifica den campeonatonan nacional di Colombia y cuatro bez el a conquista titulo den 3000 interdepartamental.

Pa tur e tres atletanan aki esaki ta promer actuacion den exterior. Segun nos tin informacion ta pasando actualmente su vacacion na Aruba, e conocido atleta Herman Hope kende na anja 1961 tabata Sportman di Anja. E a mantenan di deporte por recorda cu Hope den hopi ocasion a sobresali den atletismo na Aruba. Muy probablemente e lo ta den accion awe nochí den Lago Sport Park.

Fregata "Van Amstel" ta bishita Aruba

ORANJESTAD, 9 juli - Dia diez esta majan e fregata di marina Hulandes "Van Amstel" cual ultimamente a regresa Antillas, caminda e lo keda instala pa algun tempo, lo haci su promer bishita na Oranjestad, desde cu el regresa Antillas ultimamente for di Hulanda. "Van Amstel" a bin na lugar di "Van Ewijk" un bapor di guerra di mes un tipo.

Comandante di "Van Amstel" ta luitenant ter zee eerste klasse W.A.J.P. Valkenier.



Despues di e explosion riba e isla di boor den golfo di Mexico caminda 20 di e 43 persona riba e isla a perde nan bida, e sobrevivientenan ta ser transporta cu helicopter pa Morgan City Hospital.

N.P.6.a tuma despedida di srta. Rozenstraten

ORANJESTAD, 9 Juli. - Dialuna anochi ultimo e padvinsternan di Nederlandse Padvindsters Gilde a tuma despedida den Beatrix Clubhuis na Dakota di Srta. Mien Rozenstraten, kende durante seis anja a haci trabao pa NPG na Aruba. Durante anochi aki el a hancha un speld como recuerdo. E bunita joya aki ta worde duna unicamente na esnan cu a haci un trabao especial pa NPG. E ta un speld cu Aruba y un klaverblad ariba.

Ultimamente Srta. Rozenstraten a haya zilveren Lady Baden Powell den oro. E anochi di sudespedida Srta. Rozenstraten a haci su ultimo acto oficial door di instala Srta. J. Carmen Jones como asistenta leidster di Beatrix groep.

Entre tanto nos a worde informa cu e "Baking Sale" abira unexto pa e Beatrix groep. Door di e placa cu a worde colecta cu e accion aki e club huis na Dakota por a hancha un verf nobo paden y hasta a resta placa pa haci esaki pa for tambe.

Noticiero di IOWUA den forma nobo

SAN NICOLAS, 9 Juli. - Ultimamente "Noticiero di IOWUA" un publicacion di Independent Oil Workers Union cu lo bai salí tur luna atrobe publica den forma completamente nobo. Den redaccion tin senjornan E.S. Prilegrim, M. De Cuba y R.A. Colina, tur miembronan di directiva di e union. Den un articulo den e publicacion aki gobernador Debot ta scirbi y ta muestra cu e progreso den e ultimo temponan pa un gran parti tin di worde gradici na e cooperacion di gobierno, trahadornan y patronan. E ta muestra tambe cu den tur esaki e posicion di un periodico di un union ta di importancia, cual tin di sirbi como un fuente di informacion pa su miembronan. Tambe tin palabra di felicitacion di senjor E. Byington aden. Tambe ministro C. Kroon ta scirbi algun palabra aden mustando ariba e gran babor di tal publicacion for di banda di e union.



Desde siman pasa 18 kozak ta keda den e territorio entre Hulanda y Alemania. Nan a pasa di Hulanda pero no ta worde admiti na Alemania como nan no tin visa ainda.

Europeo a ser apiedra pa Turba na Salisbury

Salisbury, Rodesia Meridional, -- UPI -- Un europeo, tata di 70 añu, a muri na man di un turba africano qu a batiele cu piedra mata na mas o menos 115 kilómetro, este di Salisbury.

Polisnan a informa awe qu es- posa di e europeo, di 35 añu di edad, y tambe nan yiu di tres aña, resulta lesiona.

atentado a tuma lugar riba un caminda solitario di e distrito agricola Melssetter. E identidad di e victima no a ser revela, mientras qu nan no a bisa e otro yunan di e tragedia. Polis- nan, cu ayudo di helicopternan tabata tratando na localisa inter- antenan di e grupo atacante.

E version di polisnan tabata bisa qu e Europeo tabata bao di stuur, den compania di su esposa e yiu muher, ora qu sorpresivamente un awaceru di piedra a dale vehi- culo. E homber a wanta brake violentemente, sin por a evita qu e vehiculo a sigi slip y bolte despues. Aparentemente ela lo- gra sali, y ora qu e tabata trata na yuda su muher y yiu, e turba a atakele cu piedra te ora qu nan a matele.

Ministro Luns a papia cu Chroesjet

MOSCU? - 9 Juli. E minister ulan- des di exterior, Mr. Luns, cu ta efectuando un bishita oficial na U- nion Sovietica, a combersa cu su- colega ruso, Gromiko. E comber- sacion tabata den un ambiente cor- dial y amistoso. Despues minister Luns a worde ricibi pa premier - Chroestsjev den Kremlin. Na e combersacion amistosa entre e - minister ulandes di exterior y e - premier ruso a participa e mini- ster ruso di exterior tambe.

E jamamento di Luns na Kremlin a sorprende e funcionarianan U- landes awe mainta. Dos di nan - mester a bai bon pura di e mi- nisterio di exterior ruso pa e em- bajada Ulandes pa busca e regla- nan cu minister Luns a bai Union Sovietica cu ne pa premier - Chroestsjev.

CASTIGO PERPETUA PA GEORGES PAQUES

PARIS, 9 Juli. - E ex-funcionario di Nacionnan Uni, Georges Paques a worde condena awe na Paris na castigo perpetua pa motibo di alta traicion. Fiscal a exigi pena di morto. Nan a haya Paques culpa- ble na spionajepa Union Sovietica. El a admiti di a entrega funciona- rionan Ruso durante di hopi anyu documentonan. Den su ultima de- claracion el a bisa di a tuma ri- siconan grandi riba djepaloke e tabata mira como un mision santa un deber humano y religioso pa tene humanidad for di guerra y mantene paz.



Aki Shealeen Barry di Vancouver B.C ta demostra e ultimo modelo den e serie di modelonan sin parti arriba. Cu e modelo aki nan ta tapa nudismo un tiki - pero solamente dos punto menos.



Na Inglatera tabatin comentario y discusion en torno di e trahe de noche na estilo di e era Georgianodi 200 anja pasa y qu a ser bisti pa Prinses Margaret na un baile pa colecta fondo pa reconstruccion di St. John's Church.

Remolcador Hulandes den dificultad

BOMBAY, 8 juli. - E remolca- dor Ulandes "Schelde", cu dia- domingo a sali di Bahrein pa du- na un tanker liberiano asistencia a manda noticia cu e tin difi- cultad cu su motor. E remolca- dor ta bai Bombay pa reparacion di e defecto.

E stacion di costa na Bombay a manda e participacion di e re- molcador pa e tanker, cu for di diasabra ta drief riba oceano in- dio cu un timon defecto. E bapor tabata na caminda di Koewelt pa Tokio.

JUANA CASTRO TA BAI BRASIL

Rio de Janeiro, -- UPI -- Se- ñorita Juana Castro, ruman mu- her di prome ministro Fidel Ca- stro di Cuba, quende reciente- mente a biaha pa Mexico y denun- cia e regimen comunista di su pais, probablemente lo yega Bra- sil den corto tempu, segun no- ticianan qu tabata circula den e ciudad aki awe.

Señora Virginia Leitao da Cunha esposa di e ministro di relacion- nan exterior, a invita señorita Castro pa pasa algun luna serca di e.

El corant "O Globo" ta bisa awe qu e ruman muher di Fidel Ca- stro lo yega Rio de Janeiro e siman aki mes. E ta agrega qu Brasil ta constitui un pais ideal pa coordinacion di un campaña anticomunista.

Nan ta ignora paradero verdade- ro di señorita Castro for di dia qu el a aparece siman pasa den un programa di television.

Unox heeft v-é-l-e
lekkere, krachtige soepen!

Kiest U maar uit:

Kippesoep / Kippecrèmesoep
Kippe-groentesoep / Groentesoep
Tomaten-groentesoep / Kerriesoep
Aspergesoep / Ossestaartsoep
Tomatensoep / Champignonsoep
Bruine-bonsoep / Erwtensoepe



In élk blik
4 volle borden soep!
(zie gebruiksaanwijzing)

MANAGER DI JOHNSON SU NEGOSHI A WORDE ROBA

Ladronnan a kibra un brandkast y a bai cu 22.160 dollar na cash durante weekend na e firma electrico yama Liberty Supply Company Inc. den 1000 Block Cathedral Street. E compania aki ta pertenece na e conocido manager di e idolo local Jack Johnson.

E robo a worde descubri pa e propio doño di e firma quende a caba di bolbe for di un weekend trip for di Miami, Florida.

Mr. Bradley quende tambe ta promotor di boxeo a bai Miami pa busca boxeo, asina a worde informa pa polisnan.

Ladronnan a drenta e edificio, kibrando un lock di cilindro for di e porta cuta habri di e sistema di lora bai arriba. Polisnan a agrega cu e porta a worde pone mescos cu e ladronnan a hanjele. Sergeant Charles Valenti quende ta encarga cu e investigacion a informa cu e ladron a utiliza un moel pa kibra e caha di 5 pa 4 pa 3 pla.

Sergeant Valenti a agrega, cu 22.000 dollar tabata placanan di papel di 50 y 100 dollar y mas o menos 90 dollar tabata larga. Polisnan a raporta un robo di 22.000 dollar, pero Bradley di 55 aña di 4100 block Ronis Street, Pikesville a bisa cu tabatin 80 dollar na check y un oloshi cu tabata pertenece na su suegro y tambe 225 check en blanco a desaparece.

Bradley a bisa cu el a bai Florida diabierne y a yega mas o menos mei anochi di diadomingo, despues el a bai directamente pa su

oficina pa pone algun di su valis-
nan.


"Mi a saca e placa for di banco mas o menos un luna pasa pa cumpra algun articulo nan electrico," asina Bradley a bisa.

E caha completo tabata kibra na pida pida. El a declara cu el a cerra su negoshi mas o menos cinco or promer cu el a bai Miami. E negoshi di Bradley ta rondona pa otro pacusanan comercial, cu normalmente ta cerra riba diasabra y diadomingo.

Polisnan no a hanja ningun herment ni otro instrumentunan, cu por a worde usa pa e ladronnan.

E kestion Chipre

NICOSIA, 9 Juli. - President Makarios lo no manda un representante di su isla na e deliberacionnan na Ginebra tocante e asunto chipriota, asina ta worde partiicipa oficialmente na Nicosia. E tabata di opinion, cu esey lo no sirbi ningun intencion util y e ta teme, cu e conferencia di Ginebra lo hiba e problema muchu pa for di cuadro di Nacionnan Uni. -.



Ben Campbell ta bai den laria durante un pelea di lucha contra Robert Nishi di Hawaii. E Califgriano Campbell a gana e pelea.

DOS NORTEAMERICANO A MURI NA VIETNAM

Saigon, Vietnam, -- UPI -- Tres grupo di guerrilleronan comunista ayera a ataca un campamento special di e forsanan norteamericano y a mata 58 vietnames, dos norteamericano y un austriaco.

E comunistanan di Vietcong y forsanan di Gobierno di Sur-Vietnam a lucha durante di lora y mei den securidad, den oranan di marduga. E guerrilleronan a retira prome cu di dia habri, iagando 49 di nan camaradanan morto atras.

Mercadi di trabao na Hulanda

ROTTERDAM, 8 juli. - Dene cincuenta anja cu Rotterdam tin un oficina di trabao, e oferta di trahadornan nunca no tabata asina scars manera e ta actualmente. E reserva oficial di trahadornan

E batalla qu a ser duna di conoce pa un vocero norteamericano, a tuma lugar den e campamento Nam Dong, qu ta situa na mas o menos 590 kilometer noreste di Saigon y 48 kilometer noreste di Danang.

na Rotterdam a baha na fin di juni te na 818 trahador, di cual 335 ta nabegantenan estranhero y 226 invalidonan. Pues loque oficialmente ta disponible riba un total di 250.000 cu ta trahando no ta mas cu un fraccion di un por ciento.

Amsterdam tambe tin un mercado masha scars di trahadornan. E oferta di trahadornan masculino a yega na e minimo di 1409. Esaki ta e cantidad di mas poco, cu te awor aqui a worde registra den e capital Hulandes. E perdida pa trahadornan masculino y femenino na Rotterdam ta actualmente 14.000. E perdida total registra

pa trahadornan masculino y femenino na Amsterdam ta surpasa 15.000, mientras cu e perdida real ta worde calcula nabinti mil.

Yudansa pa Nigeria di 82 millan dollar

WASHINGTON, 9 juli. - Ulanda ta participa cu un suma di cinco millon dollar y mei na un préstamo di banco mundial di 82 millon dollar na Nigeria. E placata destina pa construcion di e dam "Kainji" na Niger, un proyecto hidroelectric cu en total lo costa 208 millon dollar. Na e préstamo ta participa tambe Italia, Inglaterra y Merca. E periodo di transcurso ta 35 anja, e renta cinco porciento y mei. Na augustus di anja 1959 e pago lo cuminsa.

E dam den e riu Niger ta worde considera como e principal proyecto den e plan Nigerian di desarrollo. E ta worde construi riba e isla Kainji, mas di 400 kilometer noord di Lagos y na undistancia di casi mil kilometer for di desembocadura di e riu.

E central electrico den prome instancia lo consisti di cuater ge-

nerator di 80.000 kilowatt. Ta queda espacio pa ocho generator mas.

Tsjambe den problema

LEOPOLDSTAD, 9 juli. - E reunion di president Kasavoeboe di Kongo y formador di gabinete Tsjombe, cu mester a tumalugar no a sigui. Na ultimo momento a presenta dificultadnan door di cual Tsjombe a hanje obliga na suspende entrega di su lista di ministernan.

Dos partido, esta e Comité Africano Democrático y e Comité Nacional di Liberacion parce ta hanja e carteranan di minister cu nan a hanja muchu poco y di muchu poco importancia.

Servicio militar na Francia cambia

PARIS, 8 juli. - Gobierno Frances a dicidi pa introduci un sistema di seleccion na lugar di servicio militar general. Asina e minister di informacion, Alain Peyrefitte, a participa despues di un reunion di gabinete.

RUMAN DI WILLIAM HOLDEN A PERDE

Lima, -- UPI -- Forsa aerea peruano ayera a cuminsa busca un avioneta qu tabata ser pilotea pa Porter Beedle, ruman di e actor di cine William Holden, quende a desaparece antayera.

Beedle, quende no por a baha na Lima pamtibueque aeropuerto tabata den un niebla pisa, a dicidi na sigi pa e ciudad Pisco, qu ta situa na mas o menos 190 kilometer sur di Lima. Sin embargo, prome qu ela yega su destino ela informa qu e no tabatin suficiente combustible pa baha na un altura mas haltu cu 500 meter.

Beedle ta traha den un empresa qu ta fabrica hariña di piscá. E avioneta ta propiedad di Frank Crosty, un norteamericano quende ta biba na Lima.

JACQUELINE KENNEDY A BAI BIBA NA NEW YORK

Washington, -- UPI -- Tal bes, en vista di e recuerdonan di su bida na Washington cu su esposo, y tambe qu e no por hiba un biba priva den e capital aki, viuda di presidente John F. Kennedy a dicidi na traslada su mes pa New York cu su yunan, na otoño proximo.

Señora Kennedy, segun nan a anuncia ayera, lo bandona e cas qu ela cumpra den e barrio Georgetown na Washington, qu ta objeto constante pa parti di cientos di turista, y curiosonan, pe ta mas serca di su propio familia y esun di su difunto esposo.

E ex-primer dama di Merca a informa pa medio di su secretaria di prensa, Pamela Turnure, qu elo bai hiba temporalmente den Carlyle Hotel na New York, qu por cierto ta e mesun hotel den cual e cu su esposo a yega di biba te ora qu e hafa un cas.



President Johnson (cu petji blancu) di Merca a caba di cumpra un cabin cruiser nobo. Aki e president ta hasi un paseo chikitu cu su amigunan den su boto nobo.

AGENDA

RADIO KELKBOOM

Companeranan Comodo di Vacacion

ARUBAANSE COURANT

diarlamante cu excepccion di
diadomingo
subscripcion f. 3.25 pa luna
edicion los 20 ct.
edita pa:
N.V. ARUBAANSE DRUKKERIJ
- en UITGEVERS - en PUBLI-
CITEITS MIJ.

Imprimi na:
N.V. DRUKKERIJ
"DE STAD"

Telefoon 1116 Directiva y redac-
cion, 2116 Anuncio y subscrip-
cion.

Directeur hoofdredacteur:
D. Wolff.

POR CUMPRAR ARUBAANSE
COURANT NA E SIGUENTE
LUGARNAN:

NA ORANJESTAD:
BOEKHANDEL MARISKA,
PIET SODA FOUNTAIN,
REFRESQUERIA INGRID.

NA SAN NICOLAS
NICOLAAS STORE,
UNION STORE.

BOTICANAN DI WARDA

Oranjestad Botica Del Pueblo
Tel. 1253-2154.
San Nicolas Botica San Lucas
Tel. 5119

CINE

De Veer: 8.30 p.m. "Follow The
Boys" 14 j
Rialto: 8.00 p.m. "Let's be Happy
all"
Principal: 8.00 p.m. "I Confess"
18 j
Aurora: 7.30 p.m. "War Hunt" 18 j
Savaneta: 8.00 p.m. "Secretos del
Sexo Debil" 18 j.

TELEARUBA

6.00 Public Service
6.30 Corlis Archer
6.45 Papiamento Newscast Live
& Filmnews
7.30 Sea Hunt
7.45 Papiamento Sportnews
8.15 Tombstone Territory
8.45 The Honeymooners
9.00 English newscast Live
& Filmnews
10.00 Ben Casey
10.30 Border Patrol

7.00 Opening
7.02 Bon dia cu alegria (In-
strumental)
7.30 Noticia Internacional (Am-
stel)
7.45 Musica Matutino
8.00 Seleccion Musical cu dis-
conan Latino Americano.
8.30 Cumpleaños feliz.
9.00 Noticia Social
9.15 Musica Varia
9.30 Melodias Instrumental
10.00 Noticia Internacional
10.05 Musica Norte-Americana
10.30 Programa di N. Habibe
11.00 Noticia Internacional
11.05 Musica Norte-Americana
11.15 Musica Antillana
11.30 Musica Varia
12.15 Noticia Internacional
(Schlitz)
12.30 Musica Norte-Americana

12.45 Noticia Lokaal (Vlana)
01.00 Mel ora cu Boleros
02.00 Novela (Ripiticion)
02.30 Peticiones
03.15 Ritmos di Caribe
03.45 La Macorisana & Onterna-
cional Supermarket
04.00 Musica cu sabor Azteca
04.30 Noticia Lokaal (Heineken)
04.45 Cocktail Musical
05.00 Danzones Cubanos
05.15 Musica Varia
06.30 Musica para la cena
07.00 Noticia Internacional na
Papiamento
07.15 Musica Aleman
07.45 Musica Norte-Americana
(Instrumental)
08.15 Novela (Colgate)
08.45 Musica Varia
09.00 C.C.A.
10.00 Sluiting.

RADIO VICTORIA

6.00 Peticiones
6.15 E Bijbel Habri
6.30 Ultimas Noticias
6.45 Ecos del Cielo
7.15 Bo Musica Favorito
7.45 El Sendero De Vida
8.00 Gymnasia
8.15 Joyas Del Hogar
8.30 Ultimas Noticias
8.45 Musica Español
9.00 Noticias Español
9.15 Control Central
9.30 Morning Melodies
10.00 World News
10.10 The Bible For You
10.15 Through The Bible
10.45 Thoughts On Home
11.00 Chapel Of The Air
11.15 El Pan De Vida
11.30 World News
12.45 Quiet Time
1.00 Radio Condert Hall
2.00 Reading Room
2.15 Songs Of Zion
2.30 Quiet Hour



Gabardina di stretch y duck fuerte ta companeronan comfortable y activo di vacacion. Pa un bishita den atardi na un mansion priva na Nassau, e modelo (robes) a scohe un blusa chic sin manga di gabardina cu ta stretch horizontal y un saya A-line di e mesun tela. Pa pasa bon den tropico, un scooter ta e mihor moda di transportacion. Un shift di duck frescu cu nek V-line y sacunan plat dilanti (drechi) ta entre e esencialnan. Diseñonan ta di Queen

2.45 Radio Revival
3.15 World News Headlines
3.20 Ensueños Musicales
3.45 Prosa y Poesias
4.15 Ultimas Noticias
4.30 Musica Di Banda
4.45 Noticias Español
5.00 Melodias Del Alma
5.15 Palabranan Di Bida
5.30 Sacred Songs
6.00 World News
6.15 Musical Interlude
6.30 Fun With Music
6.45 Listening Post
7.00 Organ Memories
7.15 Off The Record
7.30 Back To The Bible
8.00 Musical Gems

8.30 Nederlandse Nieuws
8.45 De G roene Weide
9.00 Klassieke Muziek
10.00 Sign Off

CUMPLEANJOS

Awe dia 9 di Juli ta celebra su fe-
liz cumpleaños Señora Anna Dirks
felicitacion ta bini di su esposo Ju-
lio, jiu Rica, mama Isenia, ru-
manan, ihanan, especialmente di
Nivia y demas famia Geerman.

Postsluitingen

Anguilla 13.30; Antigua 13.30; Ar-
gentina 15.30; Bolivia 15.30; Bo-

naire 10.00; Brazille 15.30; Br.
Guyana 15.30; Canada 10.00-13.30
Chile 15.30; Colombia 15.30; Cos-
ta Rica 15.30; Cuba 15.30; Cura-
cao 10.00 (16.00); Ecuador 15.30
el Salvador 15.30; Europa (1)
(10.00-15.30); Guadeloupe 13.30;
Guatemala 15.30; Haiti 13.30; Hon-
duras 15.30; Jamaica 15.30 Marti-
nique 13.30; Mexico 15.30 Monse-
rrat 13.30; U.S.A. Miami Fla (2)
15.30; New York (10.00-13.30) Ne-
vis 16.00; Nicaragua 15.30; Pana-
ma 15.30 Paraguay 15.30; Peru
15.30 Puerto Rico (3) 13.30; Rep.
Dominicana 13.30; St. Kitts 16.00
St. Maarten (4) 16.00; Uruguay
15.30; Venezuela 10.00.

"DESTINO FAVORABLE" NOVELA

No. 12.

Y esey ta
duné e sentimentu cu e no ta
completamente inutil. Y tabata
masha normal tambe, cu e tata a
cuminsa papia di Mary, y condes-
cuida e ta. "Bo ta haci bo mes
preocupa por nada pa Mary, Piet.
Mi a tene e cachonan na bista. Ma-
tin un manera masha especial
pa trata bestia, y nan ta tende di
e tambe. Bo no ta corda, dia cu
tabata chikito y cu nos hibé na
diferentun? Mi Dios, mi a span-
e dia ora cu el a bica su man
minda e elefantenan ta, y cu el
dica su dede tambe den e jan-
di e leonnan. Di bama mi por a
bek, pero loke ami a haya
yo ta, cu e leon a haci nín-
fuerso pa hap sudedenan."
a keda keto un rato, y des-
el a sigui conta sonriendo.

ary semper tabata un poco
uido, pero Dios gracias e
para cu su dos planan riba
er." "Te ainda mi no ta di

acuerdo cu e manera wild di
dje", e tata ta bisa mientras e
ta suspira. "Bo sa, semper mi
tin miedo cu lo pasa algo cu né.
"Wel, e ta y lo keda semper nos
Benjamin. Bo tambe ta pensa asi-
na, no Jimmy?" "Bon mira, esey
ta bo culpa, mama?" Jimmy abisa
sonriendo. "Mi por corda ain-
da, cu tur ora botabisa mi, pa per-
cura pa Mary, y cu bo a haci mi co-
mo protector di mi ruman chikito.
Y esey a bira asina custumbra pa
mi, cu mi no por kite, maske cu e
no ta un mucha chikito mas."
Pensativo Jimmy a bay parana e
bentana. Su cara a hanja un impre-
sion un poco frankil, y den su wo-
nonan labata tin miedo, ora cu el a
mira su ruman muhe, kende ta ca-
nando nonchalante den cura. El a
keda para cu un mucha homber.
Jimmy conoce e mucha homber,
varios biala caba el a jega di mira
nan dos junto, y mesora el a sinti
jalors ta drenta den su curazon.
Y aweor tambe el a sinti mescos.

"Mi Dios, ta kiko tapasando cu
mi" e ta puntra su mes. "Mi ta
comportami mes manera un ena-
morado jalors, y no manera un
ruman homber!" Coy loco, e ta e-
xahera di berdad cu su stimacion
pa e mucha mala mucha ey. Esey
so tabata falta cu e lo bay bira ja-
loers riba tur homber cu aserca su
ruman muhe. El a hala rosea pisa,
y despues el a dirigi su mes na su
mayornan: "Mi tabay serca famia
Harry's awe. Bo tin algun respondi-
pa mi duna tanta Birgit?" Con-
tento su mama a keda miré, y

el a drey mira su esposo. "Mi
ta hanja esey masha lief di bo,
Jimmy. Bisa tanta Birgit cu mi
tin gana pa e bin bishitami un
biala mas. Pero bisami un cos,
pakiko Britta no ta bini mas?
Boso a pletta?" Jimmy no kier
mira su mama, pero varios
biala Britta ta haci asina stran-
jo. E tin gana pa nos verloof mas
pronto cu ta posibel, y... wel, mi
no tabata tin mucho gana, y des-

pues el a sinti ofendi. Cu re-
proche su mama ta sacudi su ca-
bes. "Pero mi jiu esey ta un ofe-
nsa pa un mucha muhe. Tende bo-
sota stima otro no ta berdad? Y bo-
so conoce otro e muchero. Pakiko
bo kier spera tanto anto? Ta un
cos caba, pa abo cu Britta bira
un pareha." "Si, e esey si mania,
pero... mi no sa." El a keda ke-
to un rato, y despues el a dirigi

bisa: "Wel, mi a bisé tambe, y ta
pesey mi ta bay serca Britta awe,
pa palabra e fecha di nos com-
promiso." "No no esey no por!,
mi no kier!" Sin cu ningun hende
a ripara, Mary a cana drenta, y a
tende e ultimo combersacion. Di
repente el a sinti un doloterribel
y sin duna cuenta el a cor-
re bay serca su ruman homber, y
a abrazé. Awa di wowota corre ri-
ba su cara. Spanta Jimmy ta span
su wowonan hancho, y su mayor-
nan ta keda mira e mucha sorpre-
sa. "Mary, mi jiu, ta kiko a pasa
cu bo? Pakiko bo no kier pa Jim-
my verloof cu Britta?" E mucha
muhe a laga su ruman los, y cu
wowonan lombrante el a bin para
dilanti su mayornan. "Mi no kier
e nopo verloof... e nopo stima
otro hende... mi... mi..." E nopo
sigui papia, y a cuminsa jora. Des-
pues el a saca un careda, y a bay
den su kamber, Spanta e otro nan a
keda miré. Jimmy su cara abira
palko, su curazon ta bati masha
stranjo. E mayornan nopo a mira
otro den nan cara. Emocional-
nan a hanja sa, loke Mary no a re-
alisa den su inocencia: E tabata
stima Jimmy. "Despensami, mi
mester bay serca Mary", Jimmy
a bisa. "E por haci coy lolo cu su
curpa". Su tata kier a detene, pe-
ro Jane a haci un gesto negatibo,
pesey nan a lagué bay. "Kiko nos
mester haci aweor?" e tata a pun-
tra, secando e soto re su frente.

"Mi no sa. Hamas Mary mester
haya sa, cu e no tanos jiu, y pesey
e mester kere semper cu Jimmy

ta su ruman homber. Bo kier pa
nos hunga cu su confianza infan?"
E ta masha geveelig, y mi ta...
cu e lo sufi hopi, si e mester ha-
ya sa, cu nos a hayé riba caya den un
makuto, y cu su mama a lagué pa
su cuenta." Jane ta keda mira su
esposu cu preocupacion! Mi Dios
nunca mi a pensa cu nan por bay
stima otro, cu manera stimacion
entre ruman. "Mi tabata tin
miedo pa e no bira asina. Mi a je-
ga di pensa, cu esey lo ta e moti-
bo, di con Jimmy no ta worry mu-
cho cu otro muhe. Nanno a reali-
za nan mes ainda di nan entimen-
to, nan ta kere cu e ta stimacion
entre ruman, pero nota asina, ta
amor berdadero. Pero ta con lo
para, si nan mester deserta di e
sonjo, Jane? Lo ta un desilusion
amargo pa nan." Jane ta mira ke-
to su dilanti. E ta pensa ta con e
ta haci bisa Mary cu e nota su ma-
ma. E tin miedo cu e mucha no ta
bay stima mas, y tanto cu e ta ste-
me aweor. "Kiko nos mester haci,
Mi Dios, kiko nos mester haci?"
e ta bisa. "Piet, si berdad bo ta
kere cu Jimmy ta stima mi, de-
ja cuenta? Pero toch e ta stima
Britta, e kier cu e cu né! Mary
ta asina joven, e por lubida e de-
seo, si Jimmy casa!" "Nan nos
spera. Jane..."
E ta sigui....